


1 UANGA aTERa



Qanoq ateqarpit?
Aanaanit qanoq taasarpaatit?
Ataavit qanoq taasarpaatit?
Aanaap /aataap
qanoq taasarpaatit?
Aamma allanik qanoq ateqarpit?

Anaana naartuvoq. Ataatap anaanap naavi attorlugit oqarpoq: "Panissarutta Naasunguamik ateqassooq." Naasunguaraq? Sooruna Naasunguamik ateqartikkusukkit? anaana aperivoq.

"Tassa ateq Naasunguap nuannarinnermit, ima aqartassavara: Naasuutiga tipigissuutiga, kusarnarnerpaajuutiga," ataata aqarpoq.

"Aamma Inummik ateqartikkusuppara, taava ateqassooq Naasunguap Inuk Nielsen," anaana oqarpoq. "Sooruna Inuk?" ataata aperivoq.

"Aanaga, asanerpaasama ilaat, atsiullugu," anaana nassuiaavoq. "Aamma uanga aanaga Kaalat atsiukkusuppara; Naasunguap Inuk Kaalat Nielsen, aqqi tusarnit," ataata oqarpoq, isaarutingajallunilu qungujuluni.

Tassa nuunuaaraq suli inungornaniluunniit atertaareerpoq.

Oqaatsit nassuiagassat apequtillu:
Panik, erneq, atsiuppa, inunngorpoq.

Illit qanoq ateqarpit?
Nalunngiliuk sooq taama ateqarlutit? Ateqanngikkutta qanoq issava?
Nalunngiliuk qanoq atertaartutugut? (Amerlanertigut kuisilluta).
Kuisittunik takunikuuit?

Pinnguarneq:
Inuusarta kuisititsilluta, inuusat atserlugit, qaaqqusillutalu.

(Inersimasoq:
meeqqat pinnguarnerat taper-sersoruk pinnguaqatiginerisigut ilitsersuullugit qanoq kuisittarner-sut, qaaqqusisarnersut allanillu meeqqat isumassariaannik piviusunngortitseqataallutit).



Naasuutiga tipigissuutiga, kusarnarnerpaajuutiga

2 Ilaquttakka

Qanoq ateqarpit?
Sumi inunngorpit?
Qatannguteqarpit?
Anaana / ataata
qanoq ateqarpat?
Aataa / aanaa qanoq
ateqarpat?

Ullut ilaanni Jette
oqarpoq: "Ilaqutseri-
sa, ilaquttat tassa
qatanngutit, anaana,
ataata aanaakkut
aataakkullu."
"Qaa," Inuujuk aki-
voq. "Takuuk aaku
ilaquttavit assingi,
ataatannut qinnutigi-
gakkit." "Aaa, aajuna
aanakassaga aamma
aana nukara Mads,"

Inuujuup ilaquttami atii taasar-
pai. "Aappi, tassa illit ilaquttatit
qaninnerit, assit kiinai qiortari-
arlugit uunga pappiaqqamut ila-
qutariit naasuanut nipitissava-
gut. Sikkeneri tassa illit qatan-
ngutitillu, nuna tassa anaana
ataatalu, sorlai tassa aanaakkut
ataakkullu."

Jettep nammineq ilaqutariit
naasuat sanasimasani takutip-
paa, ilaquttamilu aqqi allasima-
vai.

Inuujuup ilaquttap naasua
naammassigamiuk isiginnaaler-
paa, ilaquttamilu aqqi allatani
atuarlugit: "Inuujuk Inda Thom-
sen, Aasianni inunngorpunga,
nuka Mads aamma aleqa Luu-
na, anaana Agga, ataata Chris-
tian. Aanakassaa Arnaralaaq,

aatakassaa Piitaaraq. Ningiu
Ibaaraq, ittu Inda. Inuujuup
ilaquttat naasua nuannareqaa
aamma aqqi atuarsinnaaga-
migut tulluusimaarpoq.

**Oqaatsit nassuiagassat
apeqqutillu:**
Ilaquttat, aanaa, aataa.

Napparsimagaangavit kia
paarisarpaatit?
Sormitaavaana anaanaqarl-
talu ataataqartugut?

Sammissasaq:
Ilaqutariit naasuannik sanagit-
si, sanaatigalusi eqqartorsiuk
ilaquttat allalluunniit mee-
qanik paarsisinnaanerisa
pingaassusia, nuannissusialu.



3 INUNNGORFIGA

Kina anaanap naavata iluaniinnikuua?
Anaanap naavata iluaniit anillakkavit sumiippisi?
(Anaanap naavaniit anillakkatta nunaqarfik illoqarfilluunniit anillaffipput taaneqartarpoq inunngorfik).
Illit sumi inunngorpit?
Maannakut sumi illoqarfimmi/ nunaqarfimmi najugaqarpit?

Maria anaanap naavata iluaniit anillakkami
Nuummi inunngorpoq. Nuuk illorpassuaqarpoq inuppassuaqarlunilu. Amerlangaarmata kisitasanngillat.

Takisooooorujorujussuar-nik aqqusinersuaqarpoq, biilerparparsuit 2000-it ingerlasarfiannik. Meeqqat amerlangaarmata ataasiinnar-nik meeqqeriveqarani 26-nik meeqqeriveqarput. Nuuk taaneqartarpoq illoqarfik.

Maria sisamanik ukioqartoq ataata Saarlumi suliffittaarmat Saarlumut nuupput.

Saarlumi illut amerlanngillat aamma aqqusinnguit ikittunguupput, biilillu pingasuinaallutik.

Meeqqeriveqanngimmat Maria Anep illumini paarisarpaa, anaanap ataatalluunniit soraaraangami Maria Aekunut aasarpaat. Saarloq taaneqartarpoq nunaqarfik.

Sammissasaq:

Eqqartoqqaarsiuk nunaqarfiup illoqarfiullu assigiinngissutai (nunaqarfik tassa illut ikittunguit inuillu amerlanngitsut najugaat, illoqarfik illorpassuaqarpoq inuppassuaqarlunilu, assitalersorsinnaavatit).

Nunaqarfissi / illoqarfissi plakatitut sanasiuk. Pisiffik, Pilersuisoq, Brugsen, kioski, fabrikki allallu illut ilisarnartut meeqaallu illui titartarlugit, qalipallugit, qior-tarlugit nipitissorlugit.

